


Omkalo dhilwe dhomageelo dhaa shi dhedhengo lyokolutu

Comic 2

Comic 2




Otandi ka dhenga okamwandjemati. Omulungi gwako okwa lombwele ndje kutya okwa kala ta faula osikola.

Nangweye owu na okamoyemati kegumbo, hasho? Oho mu ningi ngiini opo i ihumbate nawa?

Edhina lyokamwandjemati olyo Isak. Oku na omimvo 15, omunene konyala e thike pungame ngashingezi.

Ohatu kala nomathimbo gamwe omadhigu, ihe ekwataathano lyetu ewanawa lela- ondu uvite kutya omolwashoka inaandi mu dhenga nando onale.







Okwa ti ngiini? Okwe ku lombwela iiholekwa ye?

Okwa popi owala iinima iishona mbyoka kungame oyoondunge.

1. Egeelo lyedhengo kolutu otali vulu okulundulukila memonitho lyihuna/mehepeko, ngele aakuluntu oya tameke okudhenga ya dhiginina nokudhiginina. Pompito yimwe edhengo lya ningi ehepeko.
2. Uunona mboka hawu dhengwa ohawu ilongo kutya ehepeko olya taambiwa ko, onkene ohawu tameke okudhenga uunona mboka uushona kuwo, nenge oku ka dhenge oyana nenge ookuumee kawo ngele ya koko.
3. Uunona mboka hawu dhengwa olundji ohawu longo nuudhigu kosikola, na ihawu kala wu na ekwatathano ewanawa noofamili dhawo nookume.

Ondi ilonga kutya ondi na okukala mekwatathano nokamwandjemati okuza petameko lela. Nongele onde mu simaneka, naye ota simaneke ndje.



Ashike
okamwandjemati
oke na okusimaneka
ndje – ongame he!

Otandi kambadhala okutunga
ekwatathano ewanawa naIzak.
Pamukalo ngoka, uuna pwa holoka
omaupyakadhi otatu vulu okupopya
kombinga yago. Nuuna ngele tandi
mu geela, oku shi shi kutya otandi
mu geele netompelo ewanawa.



Hambaa?


Ohandi pitike Izak a kwathe ndje megumbo
nonde mu longa iinima uuna tatu pangele
ohauto yetu onkulu. Ondi ilonga shoka Izak
e hole okuninga naashoka e na eitulemo,
ngaashi etanga lyokoompadhi. Onde mu
pitika a tseye kutya atuhe otu na omasiku
omawanawa nomasiku omawinayi nokutya
otatu vulu okupopya kombinga yomaupyakadhi
getu, shi vule okuninga omuyonena.

Ou shi ngaa shoka hashi etele ndje uupwidhi? Uuna nde ya megumbo tandi ehama omutse konima yesiku ele nomusika ya Sam tayi kudhile. Onda pumbwa ombili uuna nde ya kegumbo megumbo lyandje!



Owe shi yelithilile tuu Sam kutya omolwashike shi li uupyakadhi? Sam oku shi shi ngaa nkene iilonga yoye hayi vulitha? Sam owe mu pa ehogololo? Owa li to vulu oku mu lombwela kutya ota vulu okudhana omusika ye muule ngaashi a hala mehulilo shiwike, nenge uuna ofamili/aanegumbo ayihe ya za mo.

ESIKU LYA LANDULA, JOHN OKWA TOKOLA OKUTULA OMAYELE GAKUUME KE MIILONGA, OMANGA A LI TE ENDE U UKA KEGUMBO OKUZA KUUDHANO WOOSAM WETANGA LYOKOOMPADHI KOSIKOLA.



KONIMA YOSHIWIKE

Ongiini Sam! Okwa li ndi na esiku ewinayi! Aantu ayehe yatano inaye ya kii longa otaa ehama, omashina getu gatatu oga teka. Omutse gwandje otagu hepeke ndje, omusika yoye oya gwedha ko kedhengo lyomutse gwandje.

Nangame esiku lyandje olya li ewinayi, otwa kanitha edhingoloko lyetu lyahugunina. Ashike ondu uvite ko otandi yi shunitha pevi.

Ngashinge yi
oyi li hwepo?

Omwedhi gwa zi ko Tate okwa dhengele Sam sho a li ta hiki omusika mokule e ta fadhuka po uule womasiku omashona.

Omukalo nguka omupe gweputudho Tate ta kambadhalo nago omuhwepo lela. Otagu tu kwathele lela opo tu kale ofamili yi li nawa. Omolwashike itoo ka talela Tate okalapi ka tuta e ka tule pombamba yoshipala molwomutse gwe?

Shika otashi uvitha
Tate hwepo?

Tangi muholike!
Ondu uvite hwepo.

Osha fa sho
nda hulitha po okudhenga
Sam, hwepo ndi isile ngame
mwene oshimpwiyu!



Egeelo lyedhengo kolutu uuna omuntu ngoka e na epangelo (ngaashi omuvali nenge omulongi) ta longitha oonkondo dhopalutu nelalakano lyokweetitha uuwehame onga omukalo gokuutha. Egeelo lyedhengo lyaanona kolutu aluhe olya kwatela mo iinima ngaashi, okudhenga, okugwapula, okudhengela pevi nenge odhenga neke nenge niinima yilwe (ngaashi oshiti nenge epaya). Ohamu vulu wo okukwatalwa iinima yilwe, ngaashi okuthanga, okundjungagula, okunyata nenge okufika.

Egeelo lyokudhenga kolutu ohali longithwa momagumbo ogendji. MoNamibia omu na iipotha oyindji mpoka ya ningwa pakulongitha oonkondo dhopalutu dha pitilila dha longithilwa aanona momagumbo. Opu na wo iipotha moka uunona we ehamekwa noonkondo nenge wa fikwa. Uunona wumwe owa dhengwa sigo okusa nokuli.

- Egeelo lyokudhenga kolutu otali vulu okukala uupyakadhi molwomatompelo taga landula:
- Egeelo lyedhengo kolutu otali vulu okulundulukila mehepeko lyopalutu ewinayi.
- Egeelo lyedhengo kolutu otali longo uunona kutya omiyonena odha taambiwa ko onga omukalo gwokuungaunga nomikundu.
- Egeelo lyedhengo kolutu otali longo uunona kutya oshi li nawa okulongitha omuyonena komuntu ngoka wu hole.
- Egeelo lyedhengo kolutu ohali ningi uunona wu kale uuhahu kuukwawo.
- Uunona mboka hau hepekwa otashi vulika wu kale uuhepeki shinene ngaashi aakuluntu.
- Egeelo lyedhengo kolutu itali longo uunona etompelo kutya omolwashike omaihumbato gawo ga li ga puka.
- Egeelo lyedhengo kolutu otali vulu okuteyagula omukumo gwopaumwene mokuninga oshihakanwa/ omudhengwa a kale a tila, a nika oluhodhi, a sa ohoni nenge kee na ongushu.
- Egeelo lyedhengo kolutu otali vulu okuyonagula ekwatathano pokati kakanona naavali yako nenge nomusilishimpwiyu.

Opu na omikalo dhilwe odhindji ndhoka nuunona tawu vulu okugeelwa. Mpaka opu na iiholelwa ine:

1. OKUYELITHA/OKUFATULULA UUPYAKADHI.
2. OKUNINGA UUNONA WU KALE NOSHINAKUGWANITHWA SHIILONGA YAWO: Oshiholelwa, ngele okanona ka teya sha, nake shi pangele.
3. "OKUKALA PONDJE": Omathimbo gamwe uunona otau vulu okunyanyukwa sha pitilila naashika otashi vulu okufala sigo omomaihumbato omawinayi.
4. KUTHA PO OOMPITO DHAASHOKA YEHOME: Egeelo otashi vulika okwaaha tala ottivii, okwaaya ka ka talele po ookuumme nenge okwaaha pewe iimaliwa yomondjato.

Okuutha/Okuguna okwa nuninwa okulonga omuntu eyooloko pokati kaasho shi li mondjila naashoka sha puka ihe hakweehameka. Kape na ompumbwe yokweehameka okanona moku ku utha. Opu na omikalo odhindji dhilwe dhokuutha/okuguna ndhoka tadhi kwathele noonkondo.

OWU NA ... EPULO? ... EGWEDHELOPO? KWATATHANA NATSE!

SMS: 081-6000098

Email: comic@lac.org.na

Fax: 061-2349533

Post: P.O. Box 604 Windhoek

Otwa hala okuuva eyamukulo
lyoye kombinga yokatuuna
ndjika/okahokolothano haka.

Ehokololo:
ANNE JOYCE

Omafano, Omutholomo nokutula melandulathano:
DUDLEY VIALL & PERRI CAPLAN

Omuwiliki gwoproyeka:
RACHEL COOMER & DIANNE HUBBARD

Omukwatheli:
DUTCH MINISTRY OF FOREIGN AFFAIRS, MDG3 FUND

Omunyanyangidhi:
JOHN MEINERT PRINTING (PTY) LTD

Omuholokithimbo:
GENDER RESEARCH &
ADVOCACY PROJECT,
LEGAL ASSISTANCE CENTRE, 2010

Okatuuna ndjika oya pitikwa
okwiindjipalekwa nomalalakano ge na sha
nelongo, shampa ashike onzo ya tseyithilwa.

Oshitopolwa sha nyanyangidhw shokaf
haka osha nyolwa momutholomolupe
Iwo-Acrobat (PDF) notashi adhika
ko-website ya-LAC: www.lac.org.na



This comic was reprinted in 2022 with the financial support of the United States President's Emergency Plan for AIDS Relief (PEPFAR) through Peace Corps Namibia. The contents of this publication are the sole responsibility of the LAC and do not necessarily reflect the views of any of the agencies which provided support.